



Broj: 11-11-2-2805/25

Datum: 21.10.2025. godine

Na osnovu člana 41. stav (1), a u vezi sa članom 45. stav (3) Zakona o unutrašnjim poslovima Federacije Bosne i Hercegovina („Službene novine Federacije BiH“ broj 81/14), člana 70. Zakona o javnim nabavkama („Službeni glasnik BiH“ br. 39/14, 59/22 i 50/24) i preporuke Komisije za provođenje konkurentskih i pregovaračkih postupaka nabavki za 2025. godinu, v.d. direktor Federalne uprave policije, d o n o s i

O D L U K U

o dodjeli ugovora drugorangiranom ponuđaču u postupku javne nabavke „Nabavka i sukcesivna isporuka guma“

I.

Prihvata se prijedlog Komisije za provođenje konkurentskih i pregovaračkih postupaka nabavke, u postupku javne nabavke „Nabavka i sukcesivna isporuka guma“, te se ugovor dodjeljuje drugorangiranom ponuđaču „EURO DAM-JAS“ d.o.o. Lukavac, čija cijena ponude (nakon provedene e-Aukcije) iznosi 16.400,00 KM bez PDV-a.

II.

Ovom odlukom stavlja se van snage Odluka o izboru najpovoljnijeg ponuđača u postupku javne nabavke „Nabavka i sukcesivna isporuka guma“, broj: 11-11-2-2805/25 od 22.09.2025. godine, kojom je ugovor za navedenu nabavku dodijeljen ponuđaču „UNITRADE“ d.o.o. Ljubuški, čija cijena ponude (nakon provedene e-Aukcije) iznosi 16.000,00 KM bez PDV-a.

III.

Po okončanju roka za žalbu ugovorni organ će pozvati izabranog ponuđača zbog zaključivanja ugovora.

IV.

Obavezuje se ponuđač iz tačke I. ove odluke da u roku od pet (5) dana od prijema odluke dostavi traženu dokumentaciju navedenu u Tenderskoj dokumentaciji, broj: 11-19-11-2-2805/25 od 26.08.2025. godine (član 45. ZJN).

V.

Odluka se objavljuje na internet stranici Federalne uprave policije istovremeno s upućivanjem iste ponuđačima koji su učestvovali u postupku nabavke, u skladu sa članom 70. stav (6) Zakona o javnim nabavkama.

VI.

Za izvršenje odluke zadužuje se Sektor za finansije i javne nabavke.

VII.

Odluka stupa na snagu danom donošenja.

O b r a z l o ž e n j e

Federalna uprava policije je provela konkurentski postupak javne nabavke „Nabavka i sukcesivna isporuka guma“, broj Obavještenja o javnoj nabavci: 1412-7-1-242-3-151/25 od 28.08. 2025. godine.

Javna nabavka je provedena putem konkurentskog zahtjeva za dostavljanje ponuda, a procijenjena ukupna vrijednost nabavke iznosi 22.933,74 KM bez PDV-a.

Postupak je proveden od strane Komisije za provođenje konkurentskih i pregovaračkih postupaka nabavki za 2025. godinu, broj Rješenja o imenovanju: 11-11/4-30-2-1409 od 31.12.2024. godine.

Komisija je dana 08.09.2025. godine za postupak javne nabavke „Nabavka i sukcesivna isporuka guma“ izvršila otvaranje ponuda o čemu je sačinjen Zapisnik u koji su uneseni svi elementi predviđeni članom 63. st. (4) i (5) Zakona o javnim nabavkama. U postupku pregleda i ocjene ponuda utvrđeno je da su zaprimljene tri (3) blagovremene ponude, i to od ponuđača „UNITRADE“ d.o.o. Ljubuški, „EURO DAM-JAS“ d.o.o. Lukavac i „PGL PROTECT“ d.o.o. Lukavac, te da nije bilo neblagovremeno zaprimljenih ponuda.

Također je utvrđeno da su ponude ponuđača „Unitrade“ d.o.o. Ljubuški i „EURO DAM-JAS“ d.o.o. Lukavac prihvatljive, te da iste ispunjavaju sve tražene uvjete iz tenderske dokumentacije, dok je ponuda ponuđača „PGL PROTECT“ d.o.o. Lukavac neprihvatljiva odnosno ne ispunjava zahtjeve iz tenderske dokumentacije, jer uz istu nisu dostavljene izjave tražene tenderskom dokumentacijom, i to: Izjava ponuđača da ponuđena roba-gume u potpunosti odgovara klasifikacijama i tehničkim opisima iz napomena u obrascu za cijenu ponude robe, kao i Izjava o garanciji za uredno izvršenje ugovora.

S obzirom da je tenderskom dokumentacijom predviđeno provođenje e-Aukcije upućen je dopis Sektoru za finansije i javne nabavke, u svrhu zakazivanja i provođenja iste.

Sektor za finansije i javne nabavke je aktom, broj: 1412-7-1-242/25 od 18.09.2025.godine, dostavio Izvještaj o toku i završetku e-Aukcije, na osnovu kojeg je utvrđeno da je ponuđač „Unitrade“ d.o.o. Ljubuški u predmetnom postupku dostavio prihvatljivu ponudu u iznosu od 16.000,00 KM bez PDV-a, a koja je prema kriteriju za izbor ponude (najniža cijena) ocijenjena najpovoljnijom.

S tim u vezi, Komisija je ugovornom organu u konkretnom postupku nabavke dala preporuku o izboru najpovoljnijeg ponuđača „Unitrade“ d.o.o. Ljubuški (Ponuda, broj: 0109/2025 od 01.09.2025.godine), čija cijena ponude nakon provedene e-Aukcije iznosi 16.000,00 KM bez PDV-a odnosno 18.720,00 sa PDV-om, te da se predmetni postupak javne nabavke zaključi u skladu sa članom 69. stav (1) tačka a) Zakona o javnim nabavkama.

Aktom Sektora za finansije i javne nabavke, broj: 11-19-11-2-2805/25 od 20.10.2025. godine, Komisija je obaviještena da je izabrani ponuđač „Unitrade“ d.o.o. Ljubuški (aktom bez broja) obavijestio Federalnu upravu policije da odustaje od dodijeljenog ugovora.

S obzirom da je prema Izvještaju o toku i završetku e-Aukcije, broj: 1412-7-1-242/25 od 18.09.2025.godine, drugorangirani ponuđač „EURO DAM-JAS“ d.o.o. Lukavac – sa ponuđenom cijenom za navedenu nabavku u iznosu od 16.400,00 KM bez PDV-a, Komisija je u skladu sa članom 72. stav (3) tačka c) Zakona o javnim nabavkama predložila da se stavi van snage Odluka o izboru najpovoljnijeg ponuđača u postupku javne nabavke „Nabavka i sukcesivna isporuka guma“, broj: 11-11-2-2805/25 od 22.09.2025.godine, te ugovor dodijeli drugorangiranom ponuđaču „EURO DAM-JAS“ d.o.o. Lukavac, čija cijena ponude nakon provedene e-Aukcije iznosi 16.400,00 KM bez PDV-a.

Na osnovu naprijed navedenog, odlučeno je kao u dispozitivu odluke.

Pouka o pravnom lijeku: Protiv ove Odluke može se izjaviti žalba ugovornom organu, Federalnoj upravi policije, u roku od 5 (pet) dana od dana prijema ove Odluke.

V. D. DIREKTOR
(Načelnik SKP-a)
GLAVNI INSPEKTOR

Vahidin Munjić

DOSTAVITI:

- Sektor za finansije i javne nabavke;
- Ponuđačima;
- a/a.-